



KERATAN AKHBAR DAN MEDIA ONLINE UNTUK MAKLUMAN :

**Y.B. MENTERI
Y.B. TIMBALAN MENTERI
Y.BHG. KSU
Y.BHG. TKSU (PDN)
Y.BHG. TKSU (PUP)
SETIAUSAHA AKHBAR**

9 APRIL 2022 (SABTU)



KERATAN AKHBAR DAN MEDIA ONLINE (KPDNHEP)

9 APRIL 2022 (SABTU)

KPDNHEP ada cara tangani isu harga barang keperluan

Strategi diperhalusi di peringkat pengurusan tertinggi kementerian

Oleh Luqman Arif Abdul Karim
luqman.arif@bh.com.my

Kuala Lumpur: Kementerian Perdagangan Dalam Negeri dan Hal Ehwal Pengguna (KPDNHEP) mempunyai beberapa kaedah bagi menangani isu harga barangan keperluan asas di pasaran ketika ini.

Menterinya, Datuk Seri Alexander Nanta Linggi, ketika memperincikan perkara itu berkata strategi berkenaan diperhalusi di peringkat pengurusan tertinggi kementerian.

“Bagaimanapun, katanya, butiran berhubung pendekatan itu tidak dapat dikongsikan buat masa ini kerana perlu meneliti aspek tertentu, khususnya membabitkan cara pelaksanaan

terbaik yang berupaya menstabilkan harga barangan keperluan.

“Melihat kepada situasi yang begitu mendesak pada ketika ini, saya bersama pimpinan tertinggi kementerian ada berbincang beberapa kaedah yang dirasakan sesuai dan dapat membantu menangani isu harga ini.

“Bagaimanapun perkara ini tidak dapat saya kongsikan buat masa ini kerana perlu memperhalusi cara yang terbaik untuk dilaksanakan supaya dapat mewujudkan situasi menang-menang antara peniaga dan pengguna.

“Buat masa ini, KPDNHEP sedang menguatkuasakan Penentuan Harga Maksimum (PHM) Ayam dan Telur Ayam yang bertujuan menstabilkan bekalan serta harga bagi dua barangan terbahagi, bagi tempoh mulai 5 Februari lalu hingga 5 Jun depan.

“Kerajaan turut menetapkan harga siling runcit ayam standard pada kadar RM8.90 sekilogram dan harga siling borong ayam standard RM7.60 menerusi PHM Ayam dan Telur Ayam, yang berkuat kuasa selama 121 hari, bagi tempoh sama,” katanya kepada BH, semalam.

Alexander berkata, KPDNHEP

meningkatkan penguatkuasaan dan pemantauan sepanjang Ramadan dan Aidilfitri tahun ini, dengan melaksanakan Ops Pantau 2022 yang bermula sejak 3 April lalu.

Berdasarkan statistik penguatkuasaan bagi tempoh antara 3 April hingga semalam, jelasnya, sebanyak 19,804 premis diperiksa di seluruh negara dan pihaknya merekodkan 117 kes atas pelbagai kesalahan dengan nilai kompaun berjumlah RM 31,000.

“KPDNHEP juga menguatkuasakan undang-undang Akta Kawalan Harga dan Antipencatutan (AKHAP) 2011 yang mana tindakan tegas akan diambil sekiranya ada peniaga mengambil keuntungan secara tidak munasabah atau mencatut.

“Peniaga yang dikesan mengambil kesempatan mengaut keuntungan tidak munasabah akan dikenakan tindakan tegas mengikut Seksyen 14(1), AKHAP 2011.

“Sabit kesalahan, boleh didenda sehingga RM500,000 bagi perbadanan/syarikat dan sehingga RM100,000 bagi individu atau dipenjarakan selama tempoh tidak melebihi tiga tahun atau kedua-duanya,” katanya.

Dalam perkembangan lain, Alexander mendedahkan sebilangan peniaga ayam dikesan menjual melebihi harga kawalan, terutama di Perak, Perlis, Selangor, Negeri Sembilan dan Johor.

Katanya, ia hasil pemerhatian data harga yang dikendalikan Bahagian Harga Barangan Negara (BHDN).

Jelasnya, statistik penguatkuasaan bagi tempoh antara 5 Februari hingga semalam turut menyaksikan sebanyak 41,228 premis diperiksa di seluruh negara, membabitkan 726 pemborong dan 40,498 peruncit ayam.

“Daripada jumlah itu, empat tindakan kes diambil di peringkat pengeluar, manakala 16 tindakan kes direkodkan di peringkat pemborong dan 540 kes di peringkat peruncit, dengan jumlah kompaun RM102,200.

“Secara keseluruhan, pola pergerakan harga purata bagi ayam bersih standard dilihat stabil kerana dikawal sejak akhir tahun lalu, malah semua premis yang dipantau mematuhi harga kawalan.

“Bagaimanapun, baru-baru ini mula terdapat sebilangan peniaga yang menjual melebihi harga kawalan antaranya di sekitar Perak, Perlis, Selangor, Ne-

“Bagaimanapun perkara ini tidak dapat saya kongsikan buat masa ini kerana perlu memperhalusi cara yang terbaik untuk dilaksanakan supaya dapat mewujudkan situasi menang-menang antara peniaga dan pengguna.”

Alexander Nanta Linggi, Menteri Perdagangan Dalam Negeri dan Hal Ehwal Pengguna



geri Sembilan dan Johor,” katanya.

Selain ayam, Alexander berkata, pemerhatian data harga kendalian BHDN sejak tahun lalu bagi daging menunjukkan kenaikan pada kadar yang perlahan.

“Pola peningkatan harga barangan ini bagaimanapun tidak menentu kerana banyak dipengaruhi keadaan cuaca.

“Pola pergerakan harga purata bagi telur ayam bagi semua gred adalah stabil berikutan penetapan harga maksimum, dengan semua premis yang dipantau mematuhi harga kawalan ditetapkan kementerian,” katanya.

As chicken prices
soar, minister
says hard to
resolve issue

» PAGE 7

CHICKEN PRICE HIKE

'HARD TO RESOLVE CHICKEN ISSUE'

Traders told to comply with the maximum price imposed by the authorities

VEENA BABULAL AND FAUSTINA HII
PUTRAJAYA
news@nst.com.my



Datuk Seri Alexander Nanta Linggi

POULTRY traders were told to comply with the maximum price imposed by the authorities on chicken.

Domestic Trade and Consumer Affairs Minister Datuk Seri Alexander Nanta Linggi said this was the best way forward as the issue of pricing was hard to resolve because the prices of so many things have increased.

"I know there are those selling more than the set prices. But it is a difficult situation.

"We are putting a lot of pressure on suppliers and farmers by insisting that they produce chicken

at low prices when most of their operational costs have increased," the minister told a press conference here on Thursday.

Nanta said suppliers were trying their best to comply with the mechanism, while the government had also provided assistance, via subsidies and other aid for the price of chicken to be kept low.

"The ministry is trying its best to resolve the issue.



A check at Pandamaran morning market in Port Klang yesterday found that poultry traders have set the price at RM8.80 a kilogramme. PIC BY FAIZ ANUAR

"Please understand that we have some 2,200 enforcement officers to go after those who flout the law (related to pricing and trade), investigate and compound errant traders.

"It's impossible for them to cover all the areas concerned. But make no mistake ... they are always on the ground.

"To say otherwise is unfair," Nanta said.

The minister was reacting to a report where a complainant claimed that enforcement officers did not go to the ground and

do price checks.

On what else could be done, Nanta said the ministries concerned could ask for additional financial aid from the government to assist industry players so their cost could be lowered and prices dropped.

On traders and consumers being held hostage by suppliers and middlemen, he said it was merely an allegation.

"We have done some investigations, and some of them have problems because they cannot get supplies. As I said, we have to

understand the problems at their level.

"I do not want to go into supplies as it is under another ministry (Agriculture and Food Industries Ministry), but we are working closely with them and looking seriously at the pricing," he added.

The continuous rise in the prices of chicken feed, imported chicken and a global shortage of poultry due to the avian flu pandemic have been cited as among reasons why chicken prices have soared.

MyCC teruskan siasat dakwaan kartel industri ayam, telur

Kuala Lumpur: Suruhanjaya Persaingan Malaysia (MyCC) giat meneruskan siasatan terhadap dakwaan wujud kartel dalam industri ayam serta telur, termasuk melakukan serbuan dan mengambil keterangan daripada perusahaan berkaitan.

Ketua Pegawai Eksekutif (CEO) MyCC, Iskandar Ismail, berkata ada pihak tertentu sudah tampil serta menyatakan kesediaan mereka untuk bekerjasama dengan suruhanjaya itu dalam siasatan terbabit.



Iskandar Ismail

Beliau berkata, MyCC memandang serius isu berkenaan yang dilaporkan media baru-baru ini, dan siasatan kini berjalan lancar.

Katanya, MyCC menubuhkan pasukan khas bagi melaksanakan siasatan menyeluruh berhubung isu persaingan dalam industri berkenaan, susulan arahan Majlis Tindakan Kebangsaan Mengenai Kos Sara Hidup (NA-CCOL).

Susulan itu, beliau berkata, MyCC menggunakan kuasa di-



MyCC memandang serius isu kartel dalam industri ayam serta telur dan siasatan kini berjalan lancar. (Foto hiasan)

peruntukkan bawah Akta Persaingan 2010 bagi tujuan penyiasatan lanjut.

"Ada pihak tertentu sudah tampil dan menyatakan kesediaan mereka untuk bekerjasama dengan MyCC dalam siasatan melalui permohonan untuk kelonggaran bawah Seksyen 41 Akta Persaingan 2010.

"Rejim kelonggaran ini membolehkan mana-mana pihak yang terbabit kartel, bekerjasama de-

ngan MyCC dalam penyiasatan untuk tujuan mendapatkan kelonggaran dalam keputusan MyCC," katanya dalam satu kenyataan, semalam.

Mengulas lanjut, Iskandar menjelaskan, industri ayam adalah antara segmen terbesar dalam sektor pertanian di Malaysia.

Beliau berkata, ia membabitkan rantaian bekalan yang luas dan pelbagai subsektor seperti pembuatan makanan ayam, pem-

bekalan anak ayam, penternakan serta pengedaran ayam hidup.

"Proses siasatan terhadap industri ini kompleks dan akan mengambil masa, di mana bukti serta dokumen yang diperoleh MyCC melalui penyiasatan memerlukan penilaian teliti.

"Justeru, MyCC mengalu-alukan kerjasama dan sokongan pihak berkepentingan yang relevan serta orang awam dalam menangani isu berkenaan," katanya.

MyCC to investigate cartel involvement in poultry industry

KUALA LUMPUR: The Malaysia Competition Commission (MyCC) will investigate allegations of cartel operations in the poultry industry which may involve conducting raids and taking evidence from related enterprises.

MyCC in a statement yesterday said certain parties have come forward and expressed their readiness to cooperate with the commission in the investigation.

"Certain parties have also indicated their willingness to explore applying for leniency under Section 41 of the Competition Act 2010 to cooperate with MyCC in the investigation.

"Under the leniency regime, any party involved in a cartel operation can extend cooperation to MyCC in the investigation for the purpose of obtaining leniency in MyCC's decision," the commission said.

MyCC, which is the enforcement agency in charge of overseeing competition law, views seriously the recent allegations of cartel activities in the poultry industry.

It said the investigation will be handled by its special task force formed in Feb 1 to probe the chicken and eggs industry for anti-competitive prices.

"MyCC has established a special task force to thoroughly investigate competition-related issues in the chicken and chicken eggs industry following the directive given by the National Action Council on Cost of Living (Naccol).

"Following the establishment of the special task force, MyCC had invoked its power under the Competition Act 2010 to pursue further investigations, where considerable inroads have been made, which include conducting raids and statement-taking involving relevant enterprises," it said.

The commission said the poultry industry was one of the largest segments of Malaysian agriculture involving an extensive supply chain and multiple sub-sectors such as chicken feed manufacturing, supply of day-old chicks, chicken farming

and chicken distributorship.

"Evidence and documents obtained in the course of the complex and lengthy investigations will require careful consideration and assessment.

"As such, MyCC welcomes the cooperation and assistance of relevant stakeholders and members of the public in addressing the issue."

On Thursday, the Consumers Association of Kedah (Cak) called on authorities to go after the "hidden hands" inflating prices of processed chicken.

It secretary Yusrizal Yusoff said investigations must be conducted into the whole supply chain from chicken farmers to the suppliers and the so-called "middlemen" allegedly responsible behind the price hike of processed chicken.

Traders also claimed the shortage in supplies of chicken and eggs that had persisted from the beginning of the year and being forced to absorb transport costs imposed on them since the government enforced the price control on chicken on Feb 5.

Traders who are flouting the rule have publicly asked how chicken could be retailed at RM8.90 per kg based on the ceiling price, when the wholesale price of the birds was RM8.60.

Under the leniency regime, any party involved in a cartel operation can extend cooperation to MyCC in the investigation...

MALAYSIA COMPETITION COMMISSION

Kartel ayam: Ada mahu bantu siasatan

Oleh **AHMAD FADHLULLAH
ADNAN**

utusannews@mediamulla.com.my

PETALING JAYA: Suruhanjaya Persaingan Malaysia (MyCC) mendedahkan ada pihak sedia bekerjasama bagi membantu siasatan mengenal pasti dalang di sebalik persaingan harga yang berlaku dalam industri ayam ketika ini sehingga mengakibatkan harga ternakan itu tidak menentu di pasaran.

Bagaimanapun MyCC dalam satu kenyataan berkata, pasukan khas yang ditubuhkan susulan arahan Majlis Tindakan Kebangsaan Mengenai Kos Sara Hidup (NACCOL) sebelum ini masih menjalankan siasatan terhadap industri tersebut.

Katanya, siasatan itu termasuk menjalankan aktiviti serbuan dan pengambilan kenyataan perusahaan-perusahaan berkaitan menggunakan kuasa yang diperuntukkan di bawah Akta Persaingan 2010 untuk tujuan penyiasatan lanjut.

"Dalam masa sama, pihak-pihak tertentu juga telah menampilkan diri dan menyatakan kesediaan mereka untuk bekerjasama dengan MyCC dalam siasatan melalui permohonan untuk kelonggaran di bawah Seksyen 41 Akta Persaingan 2010.

"Rejim kelonggaran ini mem-

bolehkan mana-mana pihak yang terlibat dalam kartel bekerjasama dengan MyCC dalam penyiasatan untuk tujuan mendapatkan kelonggaran dalam keputusan MyCC," katanya di sini semalam.

Dalam pada itu, MyCC menambah, proses penyiasatan terhadap industri itu kompleks dan dijangka mengambil masa apabila bukti dan dokumen yang diperoleh melalui penyiasatan memerlukan penilaian yang teliti.

"Justeru, MyCC mengalu-alukan kerjasama dan sokongan pihak berkepentingan yang relevan serta orang awam dalam menangani isu tersebut," katanya.

Utusan Malaysia kelmarin mendedahkan kewujudan komplot atau kartel yang mengawal harga pasaran ayam di negara ini didakwa memanipulasikan harga ternakan itu sehingga tidak menentu di pasaran sejak kebela-kangan ini.

Malah, hampir keseluruhan rantaian industri penternakan itu dikawal beberapa kartel besar yang menggunakan persatuan bagi menyembunyikan perbuatan mereka.

Susulan laporan itu, kerajaan mula menyiasat dakwaan wujud kartel yang mengawal pasaran ayam sehingga mengakibatkan harga ternakan itu tidak menentu di pasaran.

Harga kawalan ayam sudah tidak relevan

JERANTUT: Kerajaan digesa mengkaji semula harga kawalan RM8.90 ayam yang didakwa tidak lagi relevan berikutan harganya dari ladang dan borong juga sudah naik.

Hal itu menyebabkan kebanyakan peniaga ayam sudah mula menaikkan harga dan menjual melebihi harga kawalan iaitu sekitar RM9 hingga RM9.50 sekilogram.

Bercakap kepada *Utusan Malaysia*, peniaga ayam di Pasar Besar Jerantut, Mohd. Fikri Kamarudin, 27, berkata, kerajaan perlu mengkaji semula harga kawalan ayam sempena Ramadan ini kerana ia dilihat menyukarkan peniaga untuk meraih keuntungan tambahan pula bekalan ayam juga semakin berkurangan.

"Tidak dinafikan harga ayam

meningkat kerana harga dedak boleh dikatakan hampir setiap bulan meningkat, namun saya masih lagi menjual pada harga kawalan ditetapkan kerajaan, RM8.90.

"Kerajaan perlu menilai semula harga kawalan ini atau mengkaji mekanisme dalam melaksanakan harga kawalan ini agar ia tidak merugikan pelbagai pihak sama ada pembekal atau penternak, pemborong, peniaga mahupun pembeli," katanya di sini semalam.

Mohd. Fikri berkata, harga kawalan itu memberi kesan kepada peniaga-peniaga kecil terutama yang mendapatkan bekalan ayam dari pemborong.

"Saya mengambil bekalan terus dari ladang. Itupun harga ayam sudah meningkat dari RM6.05 kepada RM6.30. Itu be-

lum masuk kos pengangkutan, yang mana ada ketikanya saya terpaksa ambil bekalan ayam dari negeri lain jika bekalan di Bera dan Triang habis.

"Bagi peniaga yang terpaksa mengambil ayam dari pemborong, mereka hanya dapat keuntungan sekitar 40 sen sahaja seekor memandangkan harga dibeli dari pemborong adalah sekitar RM8.50 sekilogram," katanya.

Menurutnya lagi, keuntungan yang diperolehi dengan menjual ayam pada harga kawalan ada ketika tidak mencukupi untuk membayar gaji pekerja.

"Tidak hanya isu harga ayam meningkat, bekalan juga semakin berkurangan. Jika sebelum ini saya boleh ambil ayam sekitar 700 ekor, sekarang hanya sekitar 500 ekor sahaja sehari," katanya.



MOHD. FIKRI Kamarudin berharap kerajaan mengkaji semula harga kawalan ayam RM8.90 sekilogram kerana tidak lagi relevan ekoran harga ayam dan dedak yang semakin meningkat.

**Lima pemborong
di 3 negeri, 17 peniaga
di Terengganu
dikompaun jual ayam
melebihi harga
yang ditetapkan**

Nasional 5



Jual ayam melebihi harga ditetapkan

Lima pemborong kena kompaun

KPDNHEP ambil tindakan tegas operasi di Kedah, Perlis, Terengganu

Oleh Aizat Sharif
dan Baharom Bakar
bhnews@bh.com.my

Kuala Lumpur: Kementerian Perdagangan Dalam Negeri dan Hal Ehwal Pengguna (KPDNHEP) mengambil tindakan tegas terhadap semua pihak, termasuk pemborong dan peruncit, yang menjual harga ayam melebihi harga ditetapkan.

Semalam, lima pemborong di Kedah, Perlis dan Terengganu, dikompaun kerana menjual ayam melebihi harga yang ditetapkan mengikut Penentuan Harga Maksimum (PHM) Ayam dan Telur Ayam.

Dalam operasi KPDNHEP itu,

17 penjual ayam di Terengganu juga dikenakan kompaun kerana menjual ayam melebihi harga dibenarkan.

Di **Kangar**, empat pemborong di Kuala Perlis, Bukit Pinang dan Simpang Empat di Kedah, dikompaun RM7,000 mengikut kesalahan di bawah Akta Kawalan Harga dan Antipencatutan (AKHAP) 2011.

Pengarah Kementerian Perdagangan Dalam Negeri dan Hal Ehwal Pengguna (KPDNHEP) Perlis, Norazah Jaapar, berkata, pemborong terbabit didapati menjual ayam standard pada harga RM8.10 sekilogram kepada peruncit ayam melebihi harga siling borong PHM Ayam, iaitu RM7.60 sekilogram seperti ditetapkan kerajaan.

"Kerajaan menetapkan harga siling runcit ayam standard RM8.90 sekilogram dan harga siling borong ayam standard pada harga RM7.60 menerusi PHM Ayam dan Telur Ayam, berkuat kuasa selama 121 hari bermula 5 Februari lalu hingga 5 Jun depan.

"Hasil pemeriksaan, empat tindakan dilaksanakan, yang mana tiga daripadanya adalah tindakan kes mengikut Akta Kawalan Harga dan Antipencatutan (AKHAP) 2011 kerana menjual melebihi harga borong maksimum mengikut PHM yang sedang berkuat kuasa.

"Satu lagi tindakan mengikut Akta Kawalan Bekalan (AKB) 1961 kerana tidak memperbaharui lesen berniaga dalam jual borong ayam terhadap syarikat pemborong ayam di tiga lokasi berkenaan.

"Individu yang didapati menjual barangan harga terkawal melebihi harga maksimum boleh didenda sehingga RM100,000 atau penjara tidak melebihi tiga tahun atau kedua-duanya atau kompaun sehingga RM50,000.

"Selain itu, bagi kesalahan membabitkan syarikat pula, bo-

leh didenda sehingga RM500,000 atau kompaun sehingga RM250,000," katanya.

Sementara itu, di **Kuala Terengganu**, seorang pemborong dan 17 penjual ayam dikenakan kompaun berjumlah RM6,600 atas kesalahan menjual ayam melebihi harga ditetapkan.



Saharuddin Mohd Kia

Pengarah KPDNHEP Terengganu, Saharuddin Mohd Kia, berkata pemborong dan penjual ayam itu didapati bersalah menjual harga ayam melebihi harga ditetapkan kerajaan ketika Ops Pantau 2022 diadakan bermula Sabtu hingga kelmarin.

Katanya, KPDNHEP negeri melakukan 1,935 pemeriksaan ke atas pemborong dan penjual ayam di seluruh negeri dalam tempoh lima hari bermula Sabtu lalu.

Mengulas lanjut, Saharuddin menafikan dakwaan penjual

ayam segar, yang menuduh tindakan hanya dikenakan kepada peniaga dan bukannya kepada pemborong.

Beliau berkata, jumlah keseluruhan pemborong ayam berlesen di seluruh negeri itu hanya enam syarikat dan Terengganu tidak mempunyai peladang ternakan ayam.

Di **Kuantan**, dua pemborong ayam di daerah ini dikenakan tindakan oleh KPDNHEP Pahang dalam Ops Pantau 2022, kelmarin.

Ketua Pegawai Penguat Kuasa KPDNHEP Pahang, Normaswari Nordin, berkata dalam kes pertama di kawasan perindustrian Padang Lalang, di sini, sebanyak 100 ayam yang siap diproses dirampas.

Katanya, kes itu disiasat mengikut Perkara 3(1) Peraturan-Kawalan Bekalan (Ayam), Peraturan-Peraturan Kawalan Bekalan (Ayam) 1996, Akta Kawalan Bekalan 1961 kerana menjalankan urusan niaga ayam secara borong tanpa lesen.

Peniaga mahu pihak berkuasa pantau 'orang tengah'

Kuala Lumpur: Peniaga barangan keperluan harian mahu supaya pihak berkuasa turut memantau dan mengambil tindakan terhadap pemborong atau orang tengah dalam mengekang harga jualan sebelum meletakkan harga sillng kepada mereka supaya lebih adil.

Ini memandangkan, rata-rata pemborong atau orang tengah didakwa sewenang-wenangnya meletakkan harga kepada peruncit tanpa memperdulikan harga kawalan kerajaan menyebabkan pekedai tidak ada pilihan harga untuk memastikan keuntungan diperolehi.

Peniaga ayam segar, Ramli Anabi, berkata sebagai peniaga mereka berasa tersepit antara harga diletakkan oleh pemborong atau orang tengah dan harga ditetapkan oleh Kementerian Perdagangan Dalam Negeri dan Hal Ehwal Pengguna Malaysia (KPDNHEP).

Katanya, setiap minggu pemborong akan mengubah sebut harga untuk sekilo ayam bersih menyebabkan peruncit tidak ada pilihan untuk membeli bagi meneruskan perniagaan.

"Sebagai contoh, minggu ini harga diberikan oleh pemborong RM8.50 sekilogram dan kami perlu jual pada harga RM8.90 seperti ditetapkan kerajaan di mana untung pun belum tentu kami peroleh.

"Jika tidak mengikut arahan ditetapkan, kami akan dikenakan saman sekiranya pemerik-

saan mengejut dilakukan. Akhirnya, kami sebagai peniaga yang terkesan, sebaliknya punca utama ialah dari pemborong atau pun dari ladang sendiri," katanya.

Beliau berkata, kawalan harga di ladang dan peringkat pemborong atau orang tengah juga penting kerana penentuan harga barang keperluan harian adalah berdasarkan rantaian dari sumber hingga pengguna.

"Kawalan harga dari ladang atau pemborong adalah penting, supaya setiap orang dapat keuntungan tanpa menindas peniaga yang sering dimarahi pengguna kerana dituduh meletakkan harga terlalu mahal untuk seekor ayam," katanya.

Bagaimanapun, tinjauan BH di beberapa pasar borong seperti Pasar Borong Selangor, Pasar Sentul dan Pasar Suntext, mendapati rata-rata peniaga meletakkan harga seperti ditetapkan oleh kerajaan.

Peniaga sayuran, Roslina Maulud, berkata turun naik harga sayur dikawal oleh pembekal berdasarkan pengalamannya sepanjang berniaga.

Katanya, apabila tiba musim perayaan, akan timbul isu kekurangan bekalan sayuran, walaupun di pasar borong umpamanya penuh dengan pelbagai sayuran.

"Pembekal mungkin memainkan isu ketiadaan bekalan semata-mata untuk menaikkan harga barangan itu.

"Sebenarnya, berdasarkan pengalaman saya mendapatkan sayuran daripada petani, harga tidaklah terlalu mahal, tetapi apabila sampai kepada pembekal, mereka mengenakan harga yang tinggi kepada peruncit.

"Jadi amatlah patut pihak berkuasa turut memantau harga dikenakan oleh pembekal kepada kami berbanding hanya mengenakan tindakan kepada peniaga," katanya.

Peniaga runcit, Rajee Ragaya, pula berkata harga barangan keperluan seperti ikan bilis umpama membeli emas.

"Harga ikan bilis boleh mencapai RM50 sekilo, nak tak nak saya perlu menjualnya, tetapi saya pun tidak berani ambil banyak daripada pembekal.

"Tepung gandum saya jual kini RM3 sepaket, minyak masak paket RM2.50, cili kering daripada RM20 sekilo kepada RM22. Saya hanya ambil untung sedikit saja untuk lepas kos sewa kedai, bayaran pekerja dan perbelanjaan sendiri," katanya.

Di Johor Bahru, Peniaga ayam mendakwa dijangka berlaku krisis bekalan ayam menjelang Aidilfitri kerana kilang tutup sempena cuti Hari Pekerja dan Aidilfitri.

Peniaga ayam, Hafizul Mohamad, 40, berkata perkara itu kini menjadi kebimbangan utama peniaga ayam segar, selepas bekalan hariannya tidak mencukupi untuk menampung permintaan tinggi pengguna sejak 1 Ramadan lalu.

Perbandingan harga barangan keperluan di beberapa negeri pada 8 April 2022

HARGA AYAM

Sarawak	RM8.99	-	RM10.30
Selangor	RM6.99	-	RM9.90
Johor	RM9	-	RM11
Kedah	RM8.50	-	RM8.90



HARGA TELUR (IKUT GRED)

Sarawak	RM12.20	-	RM13.50
Selangor	RM11.70	-	RM12.90
Johor	RM11.70	-	RM12.30
Kedah	RM11.60	-	RM15



HARGA TEPUNG GANDUM

Sarawak	RM2.50	-	RM4.30
Selangor	RM2.00	-	RM2.50
Johor	RM1.35	-	RM3.65
Kedah	RM2.85	-	



HARGA GULA

Sarawak	RM2.79	-	RM2.95
Selangor	RM 2.82	-	RM2.89
Johor	RM2.85	-	RM2.95
Kedah	RM2.85	-	



HARGA SUSU PEKAT

Sarawak	RM3.49	-	RM4
Selangor	RM2.30	-	RM2.49
Johor	RM2.50	-	RM4.30
Kedah	RM 2.60	-	



Peniaga letak harga RM8.90, jual ayam RM10 kena kompaun

KUALA TERENGGANU - Kesalahan menipu tanda harga menjadi antara punca 11 peniaga ayam di Pasar Chabang Tiga di sini dikompaun Kementerian Perdagangan Dalam Negeri dan Hal Ehwal Pengguna (KPDNHEP) kelmarin.

Dalam pemeriksaan pada pukul 10 pagi itu, kesemua peniaga ayam dikompaun RM500 mengikut Seksyen 11 Akta Kawalan Harga dan Anti Pencatutan 2011.

Pengarah KPDNHEP Terengganu, Saharuddin Mohd. Kia berkata, pemeriksaan pasukan penguatkuasaan agensi itu mendapati peniaga terlibat menjual sekilogram ayam pada harga RM9.30 hingga RM10 iaitu melebihi harga siling RM8.90.

"Rata-rata letak tanda harga RM8.90 sekilogram di gerai jualan masing-masing tetapi menjual (ayam) dengan lebih mahal.

"Mereka juga gagal kemukakan dokumen yang sokong dakwaan terima ayam standard pada harga RM8.70 daripada pemborong," katanya di sini semalam.

Terdahulu tular video berdurasi 1 minit 37 saat tentang keluhan seorang peniaga Pasar Chabang Tiga yang mendakwa teraniaya kerana jadi sasaran



ZURaidie sugul apabila menerima notis kompaun oleh KPDNHEP di Pasar Chabang Tiga, Kuala Terengganu semalam.

dikompaun KPDNHEP tanpa mengetahui isu sebenar kenaikan harga ayam berkenaan.

Saharuddin berkata, kompaun RM500 kepada peniaga ayam terbabit paling minimum atas budi bicara sedangkan undang-undang memperuntukkan denda maksimum RM100,000.

Tegas beliau, KPDNHEP Terengganu akan memperhebatkan lagi pemeriksaan penguat-

kuasaan sepanjang bulan Ramadan dan Syawal ini.

"Saya ingatkan peniaga, jangan ambil kesempatan permintaan tinggi ayam pada masa ini nakkan harga barangan," katanya.

Sementara itu, seorang peniaga ayam terlibat, Zuraidie Zaidi, 32, mempertahankan dakwaan mereka mengambil bekalan ayam pada harga RM8.70 sekilogram daripada pemborong.

Lapor jika pemborong ayam jual melebihi harga siling

KUALA TERENGGANU

— Kementerian Perdagangan Dalam Negeri dan Hal Ehwal Pengguna (KPDNHEP) Terengganu meminta peniaga ayam segar membuat laporan sekiranya ada pembekal dan pemborong menjual bahan mentah itu melebihi RM7.60.

Pengarahnya, Saharuddin Mohd Kia berkata, laporan dan bukti resit pembelian perlu untuk membolehkan siasatan dibuat serta mengambil tindakan sewajarnya jika terbukti wujud kesalahan di peringkat pemborong.

Menurutnya, peniaga ayam mendakwa terpaksa menjual ayam segar melebihi harga siling iaitu RM8.90 kerana mendapat bekalan daripada pemborong dengan harga tinggi, namun mereka tidak dapat kemukakan bukti selain tiada laporan dibuat.

“Sepatutnya buat laporan dan kemukakan bukti. Macam mana kami mahu ambil tindakan di peringkat pemborong jika peniaga melindungi maklumat sedemikian,” katanya.



Saharuddin (dua dari kiri) bertanya mengenai harga dan bekalan ayam segar kepada peniaga ayam bakar di Bazar Ramadan Batu Burok pada Khamis.

selepas mengadakan pemantauan harga di bazar Ramadan Batu Burok pada Khamis.

Beliau berkata demikian mengulas klip video mengenai rungutan beberapa peniaga ayam segar di Pasar Cabang Tiga di sini yang dikenakan kompaun serta merta sebanyak RM500 kerana menjual ayam melebihi harga ditetapkan pada Khamis.

Mereka mendakwa nasib penjual ayam tidak terbelah apabila mendapat bekalan ayam segar antara RM8.70 hingga RM8.90

sekilogram tapi tidak boleh menjual melebihi RM8.90.

Saharuddin berkata, KPDNHEP mengeluarkan kompaun RM500 kepada beberapa peniaga ayam di pasar itu kerana menjual bahan mentah itu melebihi harga ditetapkan, selain mengelirukan pembeli.

Katanya, tindakan di bawah Akta Kawalan Harga dan Antipencatutan 2011 itu diambil menerusi Ops Pantau-2022 selepas pihaknya menerima aduan berhubung penjualan melebihi harga maksimum tersebut.

18 kena tindakan

Kuala Terengganu: Seramai 18 peniaga ayam termasuk pemborong dan peruncit di Terengganu dikenakan tindakan dalam Op Pantau yang dijalankan bermula 3 April hingga kelmarin.

Pengarah Kementerian Perdagangan Dalam Negeri dan Hal Ehwal Pengguna (KPDNHEP) Terengganu, Saharuddin Mohd Kia berkata, ia membabitkan pelbagai kesalahan seperti menipu tanda harga dan menjual ayam melebihi harga siling yang ditetapkan kerajaan.

"Kami sudah melakukan pemeriksaan terhadap 1,935 premis dalam Op Pantau yang dilaksanakan sempena kedatangan Ramadan dan daripada jumlah itu, sebanyak 18 kes atas pelbagai kesalahan direkodkan de-

ngan nilai kompaun keseluruhan sebanyak RM6,600," katanya di sini, semalam.

Oleh itu, beliau mengingatkan golongan peniaga supaya tidak mengambil kesempatan menaikkan harga barangan dengan sewenang-wenangnya pada bulan puasa ini dan menjelang perayaan.

Katanya, kerja-kerja pemantauan kini dijalankan lebih kerap berserta tindakan lebih tegas oleh anggota penguat kuasa.

Selain itu, katanya, 42 peniaga termasuk pemborong dan peruncit dikenakan tindakan kerana melanggar peraturan mengikut Skim Kawalan Harga Maksimum Keluarga Malaysia (SKHKM) dengan nilai kompaun keseluruhan RM9,100.



ANTARA barangan tiruan yang dirampas KPDNHEP.

Jual speaker, subwoofer tiruan jenama terkenal

Nilai: Sebuah premis yang menjual aksesori kereta di Taman Desa Cempaka di sini, dikesan membekalkan pembesar suara (*speaker*) dan *subwoofer* yang disyaki tiruan dengan menggunakan jenama terkenal.

Dalam serbuan yang dijalankan sepasukan penguat kuasa Kementerian Perdagangan Dalam Negeri dan Hal Ehwal Pengguna (KPDNHEP) Negeri Sembilan petang kelmarin, sebanyak 334 produk tiruan dianggarkan bernilai RM32,410 dirampas.

Pengarah KPDNHEP Negeri Sembilan, Ain Arjuna Aziz Zaman berkata, serbuan berkenaan hasil risikan yang dilakukan pihaknya dan kerjasama dengan wakil cap dagang.

"Semalam (kelmarin), seramai enam anggota penguat kuasa KPDNHEP Negeri Sembilan menjalankan

operasi ke atas sebuah premis membekalkan aksesori kenderaan di Taman Desa Cempaka kerana membekalkan aksesori yang disyaki menyalahgunakan satu cap dagang berdaftar yang terkenal.

"Tindakan ini adalah hasil dari pemantauan dan kerjasama yang dibuat pihak KPDNHEP Negeri Sembilan dan pihak pengadu bagi cap dagang berkenaan," katanya ketika dihubungi Harian Metro, semalam.

Ain Arjuna berkata, pemeriksaan lanjut di premis berkenaan menemui sebanyak 334 pembesar suara dan *subwoofer* bagi jenama yang disyaki adalah tiruan.

"Anggaran nilai rampasan sebanyak RM32,410. Kesemua barangan berkenaan disita mengikut Seksyen 102 (1) Akta Cap Dagangan 2019 bagi tujuan siasatan lanjut," katanya.

4 pemborong ayam kena kompaun

Kangar: Empat pemborong ayam masing-masing di kompaun RM7,000 oleh Kementerian Perdagangan Dalam Negeri dan Hal Ehwal Pengguna (KPDNHEP) Negeri Perlis kerana menjual barangan melebihi harga borong maksimum ditetapkan mengikut Penentuan Harga Maksimum (PHM) Ayam dan Telur Ayam.

Pengarah KPDNHEP Negeri Perlis, Norazah Jaapar berkata, kompaun dikeluarkan susulan pemeriksaan ke atas tiga premis syarikat pemborong ayam di Kuala Perlis, Bukit Pinang dan Simpang Empat di Kedah, kelmarin.

"Dua pasukan seramai tu-

juh pegawai penguat kuasa menjalankan pemeriksaan ke lokasi berkenaan dan seperti yang diketahui, kerajaan menetapkan harga siling runcit ayam standard pada harga RM8.90 sekilogram dan harga siling borong ayam standard pada harga RM7.60 menerusi PHM Ayam dan Telur Ayam yang berkuat kuasa selama 121 hari bermula 5 Februari lalu sehingga 5 Jun hadapan.

"Empat tindakan dilaksanakan dan tiga daripadanya adalah mengikut Akta Kawalan Harga dan Antipencatutan (AKHAP) 2011 kerana menjual melebihi harga borong maksimum mengikut PHM.

"Selain itu, satu tindakan mengikut Akta Kawalan Bekalan (AKB) 1961 kerana tidak memperbaharui lesen berniaga dalam jual borong ayam terhadap syarikat pemborong ayam di tiga lokasi berkenaan," katanya, semalam.

Katanya, pemborong berkenaan diberikan kompaun sebanyak RM7,000 mengikut kesalahan AKHAP 2011 dan siasatan lanjut sedang dijalankan, jika sabit kesalahan individu boleh didenda sehingga RM100,000 atau penjara tidak melebihi tiga tahun atau kedua-duanya atau kompaun sehingga RM50,000.

Manakala bagi kesalahan

membabitkan syarikat pula boleh didenda sehingga RM500,000 atau kompaun sehingga RM250,000.

Norazah berkata, sepanjang pelaksanaan PHM ini, 1,575 pemeriksaan dilakukan ke atas peruncit dan pemborong ayam oleh anggotanya.

Sebanyak 25 tindakan sudah diambil dengan nilai kutipan kompaun berjumlah RM12,600.

Oleh itu, KPDNHEP mengingatkan kepada pemborong dan peruncit ayam dan telur ayam untuk mematuhi harga yang ditetapkan mengikut PHM Ayam dan Telur Ayam sepanjang ia dikuatkuasakan.

PELANGGAN membeli ayam yang dijual peniaga dengan harga RM9.30 sekilogram ketika tawaran di Pasar Modern Seksyen 6, Shah Alam. - Gambar NSTP/FAIZ ANUAR



ISU ADA KARTEL DALAM INDUSTRI AYAM

SIASATAN KOMPLEKS

Oleh Ercy Gracella Ajos
am@hmetro.com.my

Kuala Lumpur

Siasatan Suruhanjaya Persaingan Malaysia (MyCC) terhadap isu kartel dalam industri ayam berjalan lancar, malah serbuan turut dijalankan membabitkan beberapa perusahaan.

Ketua Pegawai Eksekutif MyCC Iskandar Ismail berkata, pihaknya memandangkan serius kenyataan yang dilaporkan dalam media baru-baru ini berkenaan dakwaan kartel dalam industri ayam.

"Industri ayam adalah

satu daripada segmen terbesar dalam sektor pertanian di Malaysia kerana ia membabitkan rantai bekalan yang luas dan pelbagai subsektor.

"Namun, proses penyiasatan terhadap isu ini kompleks dan akan mengambil masa yang mana bukti serta dokumen yang diperlukan oleh MyCC melalui penyiasatan memerlukan penilaian teliti," katanya pada kenyataan, semalam.

Iskandar berkata, MyCC menggunakan kuasa yang diperuntukkan di bawah Akta Per-

saingan 2010 untuk tujuan penyiasatan lanjut.

Di samping itu, beliau berkata, ada juga pihak yang sedia membantu dengan menampilkan diri dan menyatakan kesediaan mereka bekerjasama dengan MyCC dalam siasatan berkenaan.

Katanya, kerjasama ini dapat dilaksanakan melalui permohonan untuk kelonggaran di bawah Seksyen 41 Akta Persaingan 2010.

"Rejim kelonggaran ini membolehkan mana-mana pihak yang terbabat dengan

kartel bekerjasama dengan MyCC dalam penyiasatan bertujuan mendapatkan kelonggaran dalam keputusan MyCC," katanya.

Difahamkan, pada 1 Februari lalu, MyCC sudah menubuhkan pasukan khas untuk menyiasat secara menyeluruh berkaitan isu persaingan dalam industri ayam dan telur ayam.

"Ia berikutan arahan Majlis Tindakan Kebangsaan Mengenai Kos Sara Hidup (NACCOL).

"MyCC turut mengalu-alukan kerjasama dan sokongan pihak berkepentingan yang relevan serta orang awam dalam menangani isu ini," katanya.

MyCC sudah menubuhkan pasukan khas untuk menyiasat secara menyeluruh

Warga Singapura patuh larangan tidak isi minyak subsidi RON95

JOHOR BAHRU – Majoriti warga Singapura yang berkunjung ke Malaysia khususnya di negeri ini akur dengan larangan untuk tidak mengisi minyak petrol jenis RON95 yang dikuat kuasa kerajaan Malaysia.

Salah seorang daripada warga Singapura yang dikenali sebagai Nazrul, 38, berkata, dia tidak mempunyai masalah untuk mengikuti peraturan itu kerana faham RON95 melibatkan subsidi kerajaan untuk rakyat.

"Saya tahu, petrol RON95 hanya untuk warga Malaysia, jadi memang saya isi RON97 apabila berkunjung ke negara ini.

"Walaupun saya akui perbezaan harga itu menggoda untuk berbuat demikian tetapi ia satu tindakan yang melanggar undang-undang, kita berkunjung ke negara orang jadi biarlah ikut undang-undang tempatan.

"Sebagai rakyat Singapura, saya juga pastinya mahu rakyat Malaysia yang datang ke sana mengikut undang-undang tempatan, jadi saya juga perlu berbuat demikian apabila ke sini," katanya.

Sementara itu, seorang lagi warga Singapura, Syafik Ahmad, 31, pula mengakui dia pernah beberapa kali mengisi minyak jenis RON95 kerana tidak tahu



WARGA Singapura didapati mematuhi larangan kerajaan Malaysia agar tidak mengisi kenderaan dengan minyak RON95.

perbuatan itu adalah salah di sisi undang-undang Malaysia.

"Saya mengaku, sebelum sempadan Malaysia-Singapura ditutup, saya pernah mengisi RON95 apabila berada di negara ini, tetapi apabila dimaklumkan seorang rakan bahawa itu adalah salah, saya tidak mengulangnya," kata juruteknik tersebut.

Kelmarin, Pengarah Kementerian Perdagangan Dalam Negeri

dan Hal Ehwal Pengguna (KPDN-HEP) Johor, Mohd. Hairul Anuar Bohro berkata, tindakan penkuatkuasaan berhubung isu itu hanya boleh diambil terhadap pengusaha stesen minyak dan bukannya warga Singapura.

Sementara itu, tinjauan di beberapa stesen minyak di sekitar bandar raya ini mendapati majoriti warga Singapura mengisi minyak RON97 dan RON100.

Senarai Harga Barang Keperluan		Telur Gred A		Gula Pasir		Cili Merah	
• Ayam	RM8.69	• Telur Gred A	RM12.30	• Gula Pasir	RM2.75	• Cili Merah	RM8
• Daging Lembu Tempatan	RM34	• Ikan Kembung	RM14	• Bawang Besar Holland	RM2.59	• Kubis Tempatan	RM2.99
• Daging Lembu Import	RM28	• Minyak Masak	RM6.35	• Bawang Putih	RM5.50	• Tepung Gandum	RM2.25

*Harga (RM/kg) Sumber: KPONHEP